



卷之十五
兵防
卷之十六
風土

ル 5
3260
9



門 凡 5
號 3260
卷 9

知
十
八
日
編
成

善化縣志卷之十五

兵防 救火事宜附

三年治兵非專講武百年不用未敢弛防我朝底定中原

訓諭屢頒申嚴兵制一邑之地百里以古甸法計之為徒三萬今執殳者不逮百人民力紆矣練勇團防諸法戰艘軍器諸製新政尤備固我金湯亦悉為採錄焉志兵防

秦

秦置長沙郡置材官

漢

漢興踵秦制置材官於郡國而京師有南北軍之屯其郡國之兵選輕車騎士材官樓船常以秋後講肄課法平地用車騎山林險阻用材官川澤用樓船以至臨淄弩手荆楚劍客各推其土之所宜而習熟焉每歲八月郡太守都尉令長咸預各以所習課殿最

武帝分北軍爲八校以習知遠方之人充之募兵始此

三國

蜀漢昭烈帝牧荊州時軍師中郎將諸葛亮駐兵臨蒸以督

零陵桂陽長沙三郡調賦以充軍實

吳多舟師兵有解煩敢死兩部及車下虎士其州郡兵有健兒武射之名大率強者爲兵羸者補戶

晉

武帝既平吳詔悉去州郡兵郡置武吏百人小郡五十人

元帝南渡復刺史典兵遂特重州鎮荆與揚江爲重鎮湘州次之其後有王敦蘇峻之禍

隋

隋仍北周府兵舊制

唐

唐沿隋制置府兵太宗分天下十道置府六百三十四曰折

衝府民二十為兵六十而免凡發兵皆下符契州刺史與折衝勘契乃發 潭州有都督府 代宗廣德二年置湖南都團練守觀察處置使 憲宗元和中湖南兵食於官通二戶養一兵 僖宗乾符三年勅湖南觀察使訓練士卒並鄉村各置弓兵鼓戟以備盜 中和三年置欽化軍於潭州 光啟二年改為武安軍

五代

楚馬氏設天策府以內外巡檢各軍指揮隸之

宋

太祖建隆元年詔諸州長吏選所部兵送都下又選強壯卒定為兵樣分送諸道以木梃為高下之等散給諸州軍委長

吏都監等召募教習俟精練送闕下諸州置馬步軍都指揮使副都指揮使都虞候每都有軍使副兵馬使都頭副都頭廂軍頭十將十人之長也將虞候承局押官置都監以領之歲時簡閱焉下州及軍監但有牢城兵 仁宗康定初荆湖路募宣毅凡二百八十人 慶厯二年荆湖南路兵番戍諸砦或以歲或以季或以月上番人給口糧有功遷補副都指揮使歲給綿袍月給食錢指揮使給食錢指揮給紫大綾綿袍都頭以上率有廩給五年詔湖南路發卒征蠻已給裝錢者不與帶甲錢 嘉祐四年詔潭州募就糧軍號威果營本州長吏兼兵馬鈐轄選武臣為都監專主訓練 給荆湖路軍配所在土產馬 神宗熙寧三年行保甲十家一保五十家一

大保爲都保皆有長兩人以上選一保丁夜輪五人警盜告捕所獲以賞格從事十年詔潭州置將及增武臣一員高宗紹興四年募水軍名橫江軍三十一年籍義勇其法取於主戶之雙丁每十戶爲甲十甲爲團甲皆有長農隙教以武藝糧從官給孝宗乾道四年從安撫王炎言截畱苗米一萬四千石並漕司應副錢二萬緡給荆湖義勇七年言者請罷鄉社之擾舊制鄉社領以鄉豪有彈壓緝捕等名大者統數百家小者二三百家帥臣辛棄疾言鄉社皆處深山窮谷中忠實狡詐色色有之不可盡罷欲擇其首領使大者五十家小者減半屬之巡尉而統之縣令取有兵器官爲印押從之八月辛棄疾奏置飛虎軍度馬殷故壘起砦柵自是湖

南爲雄鎮爲江上諸軍之冠光宗紹熙中帥臣朱熹以飛虎軍遙隸襄陽易誤軍事諸照舊委帥臣專制

元

世祖至元二十一年詔潭州蒙古軍依揚州例畱一千人二十七年復以揚州行省四萬戶蒙古軍更戍潭州

順帝至元初令湖南道宣慰使司兼都元帥府領所轄路分鎮守萬戶軍馬

明

太祖洪武元年設湖廣行都省定衛所官軍五千六百名爲一衛一千一百十二名爲千戶所一百十二名爲百戶所每一百戶內總旗二名小旗十名管領鈐束以成隊伍英宗

正統十四年命各處招募民壯就令地方官率領操練 景泰間設巡撫湖南贊理軍務都御史一員總兵官一員鎮守而以清軍屯田副使道二員分治之續設巡撫偏沅等處地方提督軍務兼理糧餉都御史一員

國朝

因明舊設長沙鎮順治四年改鎮爲協康熙三年沅撫移鎮長沙添設撫標左右營

雍正五年奉

上諭雍正二年冬高其倬在雲南總督任內時奏稱向來本營之兵卽拔補本營之千把其營中兵丁非親卽友恐難破除情面稽查約束若有志者欲立體統規矩同輩之千把又羣起哂笑

之請將雲貴二省考定拔補之人調取外營一員與之對換其同城之營仍不準調換等語彼時朕降諭旨覽高其倬此奏料理甚屬得理若應行之於直省該部確議具奏若有不盡善處亦不可迎合朕意隨經兵部議稱本營兵丁拔補本營千把實有流弊不可不亟爲革除應照高其倬所請令各省一體遵行等語朕因內外大臣之議僉同是以準行嗣後卽有人奏稱此事於千把總甚不便者朕恐其惑於屬下微員自便其私之議論故如此陳奏會密批申飭之乃數年以來朕畱心徧加體訪始知將此處兵丁用爲他處千把實有未便之處蓋兵丁平日所管汛地其情形險阻素所深知及用爲千把諸事有駕輕就熟之益若用往他處則初到之時一切茫然必得學習而始通

曉此辦公事之當籌及者也至於微員未弁安土重遷盤費居址措置匪易若令調換至數百里外必至拮据艱難有家室之累此又私情之當籌及者也朕思若以本營之兵丁卽爲本營之千把誠不能免於牽制瞻徇若以同城之中更換營頭如係左營則用爲右營前營則用爲後營又如撫標鎮標之同城者亦可互相更換如此似於公事有益而於私情亦便其地方只有一營者或應於就近調補或應仍照從前舊例以上諸條如何方爲妥協著該部定議具奏

部議覆準外委千把總各官自行拔委數無一定嗣後凡額兵二百名許外委把總一員每兵四百名許外委千總一員協同經制千把總管辦汛守俱以馬步兵內揀選拔補報明

該督撫提鎮驗看給劄年終造冊報部飭令各該管官約束稽查如巡防謹慎遇經制把總缺出拔補怠惰偷安卽行斥革生事擾民參革治罪該管官不行察報照徇庇例議處

雍正七年奉

上諭各省兵丁於糧糈之外給以季餉所以撫士卒令得仰事而俯育以爲地方捍衛所關甚重而朋銀一項於俸餉內扣留貯庫爲各營買補馬匹之用亦國家恤兵至意也近聞直隸布政使衙門奸吏於請領朋銀時每匹扣陋規二兩至二兩五錢不等直隸如是他省大約皆然夫倒馬立有限年報銷復有成額豈容奸胥舞弊侵扣嗣後著各督撫及布政司查照定例按期給發如有奸吏增減尅扣遲延等弊各該督撫卽行拏究按律

重處倘各督撫失於覺察布政司不能釐剔弊端朕一有訪聞定將該督撫等一併嚴加議處至兵丁歲底預備春餉及支放季餉乃終歲衣食所資亦聞有不肖餉書於放餉則需索季規於借餉則科斂借費此種奸弊深可痛恨著各該督撫一併嚴查禁革務須按季給發不得遲延著該部通行直省督撫布政使司將朕諭旨刊刻曉諭俾官吏兵弁等咸知之

雍正十三年

恩詔開舊日效力兵丁年老退甲無錢糧不能養贍者殊可矜憫除子孫有錢糧不查外子孫若無錢糧作何養贍給與錢糧之處查明議奏

撫標 左右二營

中軍參將 遊擊 守備二員 千總四員 把總八員俱駐

長沙省城 馬步兵丁除裁減抽撥外額存一千三百八十名馬

一百六十三匹嘉慶四年撥左右兩營兵丁一百名歸入鎮

算鎮九年撥兵丁十名歸入笆毛坪左右兩營實存伍兵一

千二百七十名內外委八員額外外委二員

長沙協

副將 都司皆駐省城 守備乾隆八年奉文改駐湘潭 千總四員一駐長沙 把總

八員一駐長沙 馬步戰守一千零二十一名馬一百零八匹嘉

慶四年撥協兵丁七十名歸入鎮算鎮九年撥兵丁十名歸

入笆毛坪實存兵丁九百四十一名除分防十二屬並巡守

各處水旱塘汎外實存伍兵如見額

弁額

本縣把總一員外委把總一員兵丁五十六名水塘四處每塘九處每塘兵三名旱塘兵二名原編弓手二十名今無原編勇壯三十三名今額設二十七名

民壯

雍正二年奉例募設民壯將步快三十名改充七年撥給縣丞護衛三名十三年裁汰縣丞護衛止存民壯二十七名乾隆元年派撥看守黃道門瀏陽門小西門各一名存縣民壯二十四名聽用乾隆五年奉例守道每年操閱民壯遂將一半移營操演一半畱辦差遣及看守城池倉庫護餉解差撫標左營公局在北門內大街今左局街

撫標右營公局在長沙縣署左今三貴街

火藥局在舊城南書院後嗣移在長沙營盤街今移置新開門外

駐防署在縣治左乾隆十一年建

卡房

瀏陽門南門小西門各一卡每卡防守兵五名又分派藥庫東西各一卡每卡宿兵二名其各城門卡兵知府蘇佳嗣每門捐貲置立營房一間居之晝則盤詰奸宄宵則分更巡邏至今設立其城門鎖鑰職有專管辰領戍交啟閉以時咸豐壬子兵燹後加設城外卡房並官紳兵勇緝拏奸匪更爲嚴緊云

演武廳

在縣東里許瀏陽門外操練兵馬是為閱武公局順治六年知府張宏猷總鎮徐勇建康熙十八年知府任紹燿巡撫韓世琦重修康熙二十八年知府楊威盛巡撫興永朝增修照壁鼓亭將臺大廳廊房中堂及旁馬王廟

鋪司

南門外總鋪明知縣陳格言建唐源黃承中重修有國朝疊

縣治東 十里至 石馬鋪 又十里至 洞井鋪 又十里至 白田鋪

又十里至 石燕鋪 又十里至 關頭鋪 又十里至 南山鋪 又十

里至 菱衝鋪 又十里至 龍頭鋪 共八十里 過界屬醴陵抵荷

塘鋪自龍頭至荷塘兩行多陷泥淖知縣唐源砌石行人賴

縣治南 十里至 新開鋪 又十里至 黑石鋪 又十里至 大沱鋪

又十里至 迴龍鋪 又十里至 暮雲鋪 共五十里 過界屬湘潭

抵昭霞鋪暮雲有中火公館路通廣

縣治西 渡江十里至 瓦店鋪 又十里至 山棗鋪 又十里至 赤

竹鋪 又十里至 楓樹鋪 又十里至 白箬鋪 又十里至 黃泥鋪

共六十里 過界屬甯鄉抵油草鋪白箬有中火公館知縣唐

南荆常公文

塘汛

總鋪塘在南門外遞送往新開鋪塘離城十里黑石鋪塘離城

二十里兵 大沱鋪塘離城三十里迴龍鋪塘離城四十里暮

雲鋪塘離城五十里

以上南路旱塘六處

瓦店鋪塘

大西門外離城十里兵丁二名

赤竹鋪塘

離城三十里兵丁二名

白箬鋪塘

離城五十里兵丁二名

以上西路旱塘三處

南湖港塘

在南門外離城三里兵丁一名

鋪石塘

離城二十五里兵丁一名

迴龍港塘

離城

四十里兵丁一名

湯家港塘

離城五十里兵丁一名

以上南路水塘四處

驛站

原設額馬五十四馬夫二十五名獸醫一名雍正四年裁馬十四匹馬夫五名抽撥長沙縣礮頭驛安設乾隆二十四年裁馬五匹馬夫二名半共存馬三十五匹馬夫十七名半迨乾

隆四十一年巡撫覺羅敦福抽撥長安雲溪巴陵青岡四縣驛馬各一匹馬夫各半名共馬四匹馬夫二名安設南山驛見共設額馬三十九匹縣站馬三十五匹南山驛馬四匹年準倒斃馬十五匹六分每匹價銀十四兩除皮張變價一兩實銀十三兩並修理棚槽製備鞍屐及原設夫廩糧每年共領銀二百五十七兩七錢八分計每馬一匹日支草料銀五分扣小支藥餌銀二厘七毫七絲七忽七微扣小又馬夫十九名每名日支工食銀二分扣小獸醫一名日支工食銀一分六厘不增閏不扣算縣站原設排扛夫七十五名雍正四年裁夫十名十年又裁夫十名抽撥長沙縣礮頭驛安設見設排扛夫五十五名每

名日支工食銀二分扣小建支領

以上驛站夫馬銀兩歷係於地丁項下徵收解赴道庫請領
乾隆五十五年庚戌奉文改歸藩庫其支用細數由縣造冊
申報臬司轉詳嘉慶四年己未奉文照安徽省例坐支其餘
贍銀兩解赴藩庫彈收其修理棚廠槽割及年準倒馬等項
仍由藩庫請領

險要附

南關城外南湖港一帶前臨江後多曠野東南醴陵坡上居
民鮮少俱宜隄防

西關驛步門阻湘江為險

跳馬澗關山縣東南五十里兩山相逼中僅一路漢馬武曾

戍兵於此南唐蔣勗於此拒劉建鋒亦稱扼要

咸豐壬子髮賊撲城即由此路先是省城戒嚴辦團 欽差

羅繞典會商大憲委員於關山築礮堵禦七月二十五日興
工二十七賊至矣若能於平時修築礮卡以扼省城上游衝
突之路亦設險之一也

通志以暮雲驛為險隘其要隘在由昭山背面來暮雲鋪之
路崇岡複嶺俗名九曲黃河

蘆塘寨縣西石壁嶺縣東通志以為險隘大約省城上游來路

正南暮雲鋪之九曲黃河東南則跳馬澗東路則石壁嶺俱
為險要

軍器

元以前無考明永樂間平交趾始得神機鎗礮法製用生熟赤銅相間或用柔鐵大小不等大者用車次及小者用架用椿用托正統末鑄兩頭銅銃嘉靖間從都御史汪鉉言造佛郎機礮名大將軍長五六尺大者千斤小者百五十斤巨腹長頸腹有修孔以鉛子五枚裝藥置腹中發及百餘丈又造三出連珠礮百出先鋒礮母子礮又有西洋紅夷礮大者長一丈重三千餘斤今存公局按西北城上曾置紅夷礮一座郡人禱祀頗著靈應咸豐壬子粵匪竄省時承平日久營政廢弛人無敢演巨礮者提督向榮衣冠祀之移此礮置南門城上親自點熬轟倒城外高牆並斃偽西王蕭朝貴

國朝又有威遠礮子母礮馬蹏礮淨瓶礮借母懷胎礮過山鳥鎗琵琶鎗烏鎗挑刀腰刀刷刀藤牌大蟒旗紅旗桿子連夾

棍雙手袋刀馬兵鐵盔花甲弓箭手鐵盔素甲鎗手鐵盔鷹膀甲弓箭鎗弩帳房鑼鍋鏃鋤斧俱存標協公局按自咸豐軍興器械添置無數不備載

石礮考附明倭賊叛時有獻石礮製於朱巡撫者旁架二柱約一丈審土三尺餘架橫木約九尺中段巖大處穿孔以木一丈二尺貫穩根段五尺繫繩八根長約一丈六尺梢段繫皮筐盛石用鐵圈掛竿梢準竿發石用八人極力一扯竿翻石飛自高擊下當之蓋粉用十餘人挽發者為力更大既省火藥之費又有不竭之資誠守堡利器

船礮

善化原無水師雍正七年設天字一號戰船二隻安設長沙

協汎以爲巡遊之具每船兵六名共計十二名乾隆十二年奉文裁汰船隻變價充公所有兵丁歸協自咸豐年間粵逆之亂當事疏請湖南操習水師添造戰艦以資水陸戰守巡撫駱秉章立船礮兩局委官紳督辦於是船有長龍快蟹舳板各名皆仿於粵東礮有重數千斤數百斤不等熟鐵作胎以免炸裂以故保衛省垣肅清江面軍器甚爲合用光緒元年巡撫王文韶復設局召募粵工製造洋礮以備不虞

均存營局

練勇

國朝武功向遵用八旗暨東三省勁旅各直省綠旗兵嘉慶初平定川楚教匪始練習鄉勇輔額兵之不足其時勇亦無幾耳迨咸豐初元粵逆漸熾郡縣爭言攻守不得不以召募濟

徵調之窮於是湖南巡撫駱秉章會同辦團 欽差曾國藩奏請捐輸甄拔忠義招練勇丁嚴明紀律講求坐作擊刺之法謂之南勇由是各郡縣如衡勇常勇寶勇捷勇諸名目無不各樹一幟而勇之最著者則尤以楚勇湘勇爲冠楚勇始江忠烈湘勇始自羅忠節嗣後楚勇援桂林援長沙援江右援鄂省皖江無不以少勝多所過無秋毫犯湘勇治軍紀律嚴明所部將弁皆其鄰黨信從者前後克復城池大小二百餘戰其戰陣每以堅忍勝大江南北所向披靡此二百年來軍政之一振興也善化一隅之區咸豐年間忠勇之士由戎行得保敍者固多卽臨陣殉難以忠義著者亦復不少此有勇知方之明效與

團防

團防之法承平時民間往往視爲具文善化情形亦與長沙微殊善邑地界較窄殷戶無多各鄉初無鎮市籌費辦團殊非易事粵逆之亂疊經 憲示勸辦然團事初起奸宄流言謂無團之處賊害猶輕有團之處受毒更慘以此人心解體益覺無從措手其後賊蹤經過專擇無團之處往來而蹂躪之乃知團練誠不可廢也咸豐四年在籍侍郎曾公國藩奉命辦團嚴拏土匪其得力處在諭鄉團格殺勿論並刊發鄉團族團章程良莠既分地方甯謐皆督辦團防之力也

按善化鄉分十都都分一百二十一團或數甲一團或一甲一團各因地制宜就團內適中之處設立總局豎立高竿旂號自團總以至團佐什長類擇勤慎廉明之士充之其製造器械刀矛旂幟與夫招習勇丁延請教師訓練技藝各費均由本團籌辦惟火器稟官頒發團冊繳官備案所有錢穀歸公經理由各團自立章程至於城團與鄉團稍殊鄉間費用取之於民城內費用取之公局至城團亦各分鋪添設欄柵鋪分八十餘團城廂內外每團均派員紳由軍需局遴委以監司領之每月薪水有資每夜油燭有費無事則各就汛地盤查奸宄遇有行迹可疑之戶於門首書待查二字逐夜梭巡有警則按團派戶夜坐柵欄出入登號期無匪類溷迹軍需局亦酌給守夜用費蓋城恃有垣墉可依遇警自有兵勇可調故不練團勇只嚴行保甲足以肅奸黨清亂源也今蕩

平已久城上猶駐官兵城門猶派員紳城團猶清戶口蓋有備無患歷久罔懈之意云

嘉慶六年

上諭朕聞從前湖北教匪竄赴孝感之時經過各處多被焚掠獨隨州一處未被賊擾推原其故因該處人民於賊匪未來之先豫行掘爲深溝堆壘土山賊既不能偷越溝濠擾害村莊而該民人占據土山足資捍衛是村莊守禦甚嚴賊匪亦無由肆掠食物復有官兵追躡其後未有不窮蹙潰散者此實保護村莊之良法行之已有成效若川陝河南等省各處村堡俱能照此豫爲防範何至任賊恣意蹂躪乎著傳諭勒保松筠吳熊光等飭令所屬地方曉諭居民相度地形仿照辦理令鄉勇人等加

意護防堅壁清野以期賊蹤斂戢不敢肆行侵擾於堵剿機宜自爲有益欽此

堅壁清野議

龔景瀚 海峯

竊惟邪匪滋事以來蔓延四省處處有賊處處需兵負固則累月經年奔竄則過都歷郡議者惟以兵少爲辭於是增兵募勇以多爲貴不知其無益而反有害何也 國朝經制之兵本屬有限而重兵所在則形勢要害之區一調再調備禦空虛奸民因而肆志如四川湖北之兵皆以全赴苗疆邪教遂乘機起事豈非明效此調兵之害也倉卒募兵但取充數每多市井無賴之人紀律不習心志不齊遇賊紛然各鳥獸散蓋鄉勇守護鄉里易得其力若以從征多非所願無室家

田廬足繫其心也平居未受涓滴之恩臨難責以身命之報於勢既有所難能故加恩則玩而驕執法則忿而散求其約束整齊難矣其藉此爲利浮開冒領者又無論也且兵勇多則糧餉廣糧餉廣則轉運難民間之疲於輓輸困於差徭者不知凡幾况乎將領不能約束兵丁所過甚於盜賊鄉勇從而效尤激而生變是所憂者不獨在邪匪也川省之山層崖峭壁其上有田有水賊若據之雖數萬之眾不能攻取卽竭力仰攻士卒損傷過半幸而得之賊已乘閒他徙蓋賊因糧於民無地非民則無地非糧官兵之糧必須轉運賊竄無定向亦無定期糧臺豈能豫設此一難也賊皆輕身登降便捷我兵鎗箭鉛彈佩帶行走不一此二難也賊皆本地之人慣

於山行我兵雖壯健有餘輕捷不足此三難也賊隨時隨地可以休息而我兵行必按隊止必安營挖壕樹柵日夜不得安歇此四難也前後夾擊則左右分馳東西並攻則南北各竄迎擊則衝突難當尾追每聲援不及以至焚掠裹脅賊愈殺而愈多疾病死亡兵日添而日少勦則無以爲守守則無以爲勦賊勢益張兵氣益餒如賊未至巴州而巴州之民先去賊未至通江而通江之城已空守土之官雖欲效死勿去其誰與守此無他民心無所恃也故殺賊以安民必先安民然後能殺賊民志固則賊勢衰使之無所裹脅多一民卽少一賊矣民居定則賊食絕使之無所擄掠民存一日之糧卽賊少一日之食矣爲今之計必行堅壁清野之法責成地方

官巡行鄉邑曉諭居民團練壯丁建立堡砦使百姓自相保聚併小村入大村移平處就險處深溝高壘積穀繕兵移百姓所有積聚實於其中賊未至則力農貿易各安其生賊既至則閉柵登陴相與爲守民有所恃而無恐自不至於逃亡別選精銳之兵二三千名以牽制賊勢不與爭鋒但尾其後賊攻則救賊退則追使之進不得戰退無所食不過旬餘非潰則死此不戰而屈人策之上者也其要必先選擇良吏各派佐雜分任以道府董局佐以正佐數員講明利弊議定章程加卑爲高移附近居民於其中先藏米穀貧者官貸其貲竹屋茅棚聽其自便故居仍畱勿毀賊未至時仍可照常安業也其村莊市鎮人煙輳集隨其所居因山臨水爲築城堡

外挖深壕務令高廣磚石木料匠役之費皆給於官惟丁夫取於民有貧乏者量給口糧以代賑恤其次則選擇經理以身家殷實品行端方紳監耆民舉爲堡長給以頂帶予以鈐記使總砦堡之事其清查戶口經營銀糧修飭守備別擇數人爲之分任以專責成其次則清查保甲戶口繁多奸良莫辨外至者虞爲閒諜久居者亦慮有匪黨十家聯保互結始準移居詳註冊內以備稽核其次則訓練壯丁編爲部伍習熟技藝有事則登陴守禦自保鄉里毋令出征惟本州縣有警或鄰堡告急許以其半救援其次則建倉積穀賊至閉砦守陴按名給糧老弱孤貧分別賑借其次則築堡建倉置器具搭棚屋費銀皆由官給交堡長責其成功堡砦林立聲勢

善化縣志 卷之十五
聯絡民居既安民志自定父母妻子一家團聚無流離死亡之憂並不慮爲賊脅陷於郛黨可以保全良民潛消賊勢其利一也糧皆藏於堡砦之內賊自無所得食丁壯自護身家其守必力又有鄰堡之救援官兵之策應前後堵擊可以制奔竄之賊其利二也據險之賊不能不下山掠食民皆團聚糧不露處附近已無所掠遠出皆得邀擊尾追坐困立形可以制負固之賊其利三也州縣之有鄉村如樹之有枝葉城郭皆堡砦障護賊必不敢徑犯有急則環而救之如手足之捍頭目賊將腹背受敵可以保障州縣其利四也堡砦遠者相距數十里近者或十餘里官兵經過就近供支可以省臺站之費其利五也每省挑選精兵三千賊合亦合賊分亦分

牽制其後使之不得攻陷城堡兵少則差徭亦省無虞再生他變其利六也守陴壯丁惟賊至時數日給以口糧其費較招募鄉勇爲省守望相助易於維繫其利七也保伍時相糾察則奸宄無所容其桀驁不馴者亦懼而不敢肆可以化頑爲良其利八也然而愚民可與樂成難與謀始因循目下畏難苟安夫擇利莫若重擇害莫若輕賊匪所過焚燒房屋殺戮人民擄掠婦女其慘極矣民雖至愚亦必明於利害所全者大卽小有騷擾猶當毅然爲之况保其身家全其積聚順其情之所樂何累之有一則曰迂緩不切於事也夫欲速則不達自去歲以來各省所行者何一不速何一有效夫事固有不急急於目前而收功於異日者舍此以圖其果有旦夕

善化縣志 卷之十五
奏效操券而得之策乎一則慮其費大也夫成大事者不惜小費苟能平賊卽多費亦所不惜今州縣大者不過堡砦數十處小者十餘處一省所辦者不過三四十州縣耳哀多益寡合計每省不過用銀一百萬兩而已自是卽無所費較之養兵養鄉勇每月需銀百萬者其費何如然尙未有底止也惟買糧爲費較鉅而糧分儲於堡砦何異儲於州縣之倉且並無所費矣一則畏其繁難也夫天下無難成之事患無任事之人今自道府下至堡砦之長總理有人分任有人勞瘁不辭纖悉具舉何慮其繁難乎然則今日急務莫有先於此者矣安民卽所以殺賊民懼賊而逃猶可言也兵愈增則差徭愈重師愈久則擾累愈多數月之後恐民之見賊將不逃

而合之矣今不早爲後悔無及謹陳一得之愚伏惟垂採則幸甚

巡撫駱文忠秉章併村結寨諭

爲勸諭併村結寨以收團練實效事照得湖南自粵逆竄過土匪羣起而鎮村莊閒被擾害本部院已嚴飭文武遇有土匪滋擾立卽督兵勦辦惟思俟匪黨入境之後官兵聞馳勦捕村鎮先已受害匪黨或且飽颺殊非萬全之道本部院再四籌維惟古人堅壁清野一法行之屢著成效可期保衛見在檄飭各府廳州縣督同地方紳耆曉諭遵辦其要不外平地併村高山結寨八字嘉慶年間教匪滋事時陝西四川湖北邊界地方行之一年而賊滅近時如廣西鬱林州博白縣

善化縣志 卷之十五
楚南之永興縣金陵鄉行之粵賊皆繞道不敢近前此其明證團練之法雖見在遵行究亦未見實效如平地形勢寬衍無險可扼賊匪處處皆可竄越一家有警同團各有戒心勢難及時併力救護一村有警各村聲息不通及聞鑼鳴齊至勢已緩不濟急是地居渙散名爲團而究無團之實也鄉民平時務農習藝戰陣非所素諳一旦聞警難於挺身對敵卽或拳棍尙優而心志難齊彼此不顧是名爲練而究無練之實也古人併村之法行於平地者惟選村莊適中之地爲堡卽厚牆也左傳完守入保月令四鄙入保卽此後人加土字堡外開壕壕深七八尺寬一丈有奇壕內徧布竹籤取壕之土築牆牆厚四五尺高丈一二尺壕深則牆高矣牆距地三四尺卽安鎗眼一層隔兩尺

又安一層共計三層總以平打賊身爲主太高則鎗子冒堡過不能中賊堡式圓方長斜俱隨地形爲之向外三面凸出者爲礮亦安鎗礮眼數層彼此對放鎗礮以彼礮鎗子可及此礮爲主但每礮得數十精壯安設數十鎗礮輪流施放任憑惡賊決不敢冒死衝近堡身是一堡要緊處所不過數礮一礮所需不過數十人而數百家老弱婦女卽可安居無恙礮堡告成之後各搭棚屋將銀錢穀米衣服細軟先時搬置其中各爲封識平時耕作如常探實賊匪將至老弱婦女卽時入堡丁壯齊至礮內守禦俟賊匪近前度礮內鎗子可及之處然後施放鎗礮無得手高山有險可憑尤易爲力古人結寨之法行於高山者先時會集同山居民編查保甲爲一大團又各分

爲數小團將山內居民素不安分及形迹可疑者送官究辦以清內奸然後因山設險地勢可剗削者剗削大路可堵塞者堵塞樵徑可截斷者截斷於要路取石作礮礮以衛堡隨地施爲至市鎮口岸周圍掘壕築牆安設鎗眼兩頭安設大門以通出入如平地礮堡之法處處如此賊匪無所擄掠無所裹脅飢疲困乏不死卽擒使鄉民擊賊則不足使鄉民自爲保衛則有餘使鄉民各自保衛則不足使鄉民共相保衛則有餘使鄉民擊大隊之賊或不足使鄉民擊土匪逃勇之擾則有餘我逸賊勞我熟賊生我聚賊散我飽賊飢我不畏賊賊卽畏我豈不常操必勝之勢哉土匪旣已搜除良民自相保聚父母兄弟妻子聚在一堡銀錢衣服細軟之物皆隨

身帶往賊匪縱來不能保者亦不過羸重木器及房屋而已愚民不知僉謂居地星散事至可以分逃若一入堡恐其聚而殲旃殊不知惟居地星散彼此不復相顧賊匪成隊而來勢不能抗不得已始爲逃散之計一身可逃矣父母兄弟妻子能逃乎性命可保矣衣服穀米銀錢可保乎又况游匪劫奪處處皆然顛沛流離伊於胡底卽或僥倖苟免而無食無衣乍免刀兵旋爲餓殍則亦何術而能自全耶若同居堡內則勢大膽大骨肉家貲戚族俱在心齊力齊守望相助賊與我無怨無仇豈能多運米糧器械日日與我攻打耶且外匪之來都因內匪勾引今旣併村結寨先清內奸卽有一二不安本分之人爲大勢所牽制內奸旣絕外侮自消此亦利害

之較然可觀者人雖至愚爲己謀則易工孰安孰危孰得孰失諒鄉民亦知所決計矣但平地築堡建礮高山結寨設險一時未免有所勞費今議富戶出穀米物料貧者出工每堡不過用穀數百石物料器械雜用亦不過二三百石或照田分派或富室捐輸如捐數較多由各鄉紳民具報按照捐數給予功牌頂戴奏請議敘以昭激勸爾富戶捐辦本地公事卽是辦自家私事爾貧民出力爲大家保性命卽是自保性命一堡之成終身攸賴何憚而不爲哉且自粵賊竄南以來富者轉徙倉皇拋家失業或中途被劫囊篋俱空與其事後懊悔何如先事綢繆貧者縱無身家亦有性命或被賊裹脅臨陣當先進則死於官兵退則死於老賊據賊中逃出之人

無不備言苦情求死不得爾民等諒有所聞與其遭終身之害何如竭數日之勞此本部院所爲晝夜焦思勸爾等速行併村結寨之法以收團練實效者也至民與民不相管攝官爲督之官與民不能聯絡紳爲通之本部院另有札諭飭地方官及公正紳士妥速辦理務在官紳與民通爲一氣丁胥吏役無所容其奸會匪賊盜無所匿其迹一切章程斟酌盡善本部院只要各州縣無不團結之鄉各鄉無不團結之戶以期吾民不致爲賊匪擾害爾等紳民宜各體遵毋違立堡考畧

蘇文忠云藥雖出於醫手方多傳於古人立堡古方也呂新吾先生所謂鄉守藩籬也考漢陳况平盜之策收合老弱積

藏穀食並力固守賊攻不能下所過無食勦之易滅所謂徒老弱於大城者卽後世之堡也周李牧備邊收民入堡終不亡失非明徵乎明盧忠烈督師大名鄖陽命山居百姓依險立寨藏資糧器械禦賊之具畢備無事耕牧其中平原無險用併村法鑿溝築垣一如山寨所至清野論者謂公一代名將得力全在結堡一法孫夏峯居容城當明季團聚鄉兵時烽烟四警乃率宗族鄉黨入益州之五公山修山寨扼險要部署同人量村分守流寇勿敢犯先生一代名儒非明哲保身之一端乎謹案嘉慶元年川匪滋事二年龔海峯太守有堅壁清野議德參贊楞泰有築堡禦賊疏因事屬繁重地方官難之至六年奉

旨通行九年賊匪撲滅實爲明效至捐貲修築卽古人毀家紓難之義

同治十年十二月十四日奉

上諭李瀚章奏湖南見籌清查保甲分設防營等語湖南地方緊要會匪散勇在在堪虞李瀚章擬於省城設立保甲總局責成臬司會督紳士妥爲辦理省城內外亦經分撥水陸各營擇要扼守所籌均屬周妥卽著李瀚章王文韶督飭省局官紳將保甲事宜認真經理仿照十家聯牌法飭令各州縣一體實力舉行選派廉正紳士挨戶稽查不得有名無實亦不得藉端騷擾水陸各處旣經分撥各營兵勇節節分巡仍當飭令統帶各員弁聯絡巡防毋得稍有疏懈等因欽此

善後保甲簡明章程

一清查保甲地方官自備夫馬飯食親赴所管城鄉督同紳耆認真辦理或政繁地廣之區該牧令擇近城與緊要處親往督辦餘選佐雜教職賢而能者分任仍酌送夫費不許派累民間致滋書役地保索費諸弊發冊換冊亦勿令胥役勒捐致勞守候

一在城外分鋪分坊在鄉分里分甲卽於每段地境之內擇公正廉明紳耆數人舉爲總首優以禮貌專以責成所舉得人自然指臂有助

一地段旣分定以十戶爲一牌立一牌首擇明白曉事有家計者充之一戶同住數家者各以戶論一戶共住已及十家或過十家者編作一牌房主同居以房主爲牌首無房主同居卽擇丁口多家計足者爲牌首人烟稀少不足十家卽就該處數家編一牌

一分牌旣定每戶填門牌一張首載家長姓名年歲籍貫所住里鋪作何生理戶內丁口分別男女載明大小各若干一門牌填定卽著十家聯保如有一家爲匪準九家首告徇隱連坐如相連之家有各家不肯聯保之人或係客寓飯店煙館茶館戲班或係煤窑鐵木各廠以及山邊水涯小賢棚居寺觀菴廟卽於所給門牌該戶之上載待查二字如鄰里信心願與聯保免載或其人素行不端尙無犯案實據姑寬旣往許以自新卽於門牌該戶之上載以自新二字凡待查

自新等戶摘出填載交牌首收存查察有不法情事隨商總首稟辦

一牌既分填備循還正冊各一本又備循環另冊各一本所填各戶門牌卽照填於正冊惟待查自新等戶彙載另冊亦照所給門牌填明庶便稽查

一牌冊既填彙交總首送官用印循冊畱署備查其門牌十家牌隨交帶回轉給各戶張貼門首環冊卽交總首收存隨時按冊稽查如戶口增減遷移卽將牌冊添改如添改環冊繳署隨將存署循冊查照更換交總首收存門牌有因風雨毀失者俟換冊時補之

一清查之法除十家取具聯保外如聚族而居卽責成該族公正族長或聚村而居卽責成該村公正紳耆俱出具族內村內並無爲匪切結存案年終換結一次至寺觀菴廟札飭僧綱道紀隨時查察出具切結又如客寓茶館戲班寓所煤窑各廠及棚居小戶等處立簿派人稽查責令店主廠主夫頭地保出具切結俱送官存案他如乞丐如非本境窮民許卽分別驅逐其市鎮稍大應爲擇一棲身之所立丐頭管束給腰牌以便稽查船隻擇立船頭給牌懸掛船艖漁船小划亦如之均便稽查

一匪徒果不法有據公同指稟拏辦但不可挾嫌誣指見在分立另冊所有待查與自新各戶除責成總首會同牌首人等隨時查察外地方官應卽按冊不時私訪如再不安分卽

可指名鎖拏果能自新許於換冊時由該總首牌首紳耆公同稟保改附正冊至有奸惡之徒聚散無常黨羽頗眾地方不敢明與搆隙許卽暗稟於官由官查察分別拏辦該紳保等如能實力舉行地方官分別獎勵再能稽查得實覺察不軌巨匪分別稟請保獎儻有藉名武斷圖報私嫌以及得賄包庇一經訪察治罪不貸

按會典保甲之法稽其犯令作慝者凡面生可疑形迹詭秘之徒皆令查報取具並無會匪切結清查之事俱在其中章程係奉文舉行而有成效者因節採焉

團練條議

侍讀 孫鼎臣

一挨戶保結四鄉路徑紛歧內匪不出勾引外匪不敢輕入

清查內匪責成團長保正清查戶冊十家連環互結其有素不安分之人九家不願互結者作爲另戶附於冊尾團保隨時稽查有犯卽稟究能自新者取具保結一體編入

一按戶派丁各團各戶壯丁多者二三人少者一人無壯丁者雇充女戶單丁免派派定後造冊報官每月定期操練毋許託故不到違者或稟究或議罰

一選勇精練經費旣少練勇勢不能多聽各團總團長等自行酌議合眾團設立一局公延教師就團丁中選精壯一二名作爲團勇送局操習技藝團勇口糧教師辛工及器械子藥之費各團均派交局應用教成之後團勇各歸本團分教團丁團丁卽歸團勇管帶再就團勇中擇其膽藝尤優者挑

爲旗總分帶團勇守卡禦賊團勇當先團丁隨後

一丁勇口糧團丁雖按戶派定難禁其不外出營生許該戶另行出人替代至團勇原係選鋒備用不得外出以別人代充臨事酌給錢文

一按田出穀每租一石捐穀三四升舊有團穀團費存留者各團長查明支用

一量力捐資按租捐穀之外其有田租雖少而家資有餘者仍可量力捐輸見經大學士文奏明團練章程各量地方情形勸民捐備團練之費按所捐之數與報效軍需者一律奏獎等因擬請由地方官明白曉諭俾紳民間風知勸其捐助事宜由各團公舉公正殷實紳耆經理報明地方官批示立

案此等捐項專爲辦團支用無關捐餉大局毋庸繳官俟辦有成效彙案請叙

一責成任事設局教習團勇及各團月操責成團總經理支銷錢穀製備旗幟器械子藥責成團長經理設簿歸團總稽查年終由團總造冊報官備核

一履勘地勢善化與甯潭醴瀏毗連地面何處地勢最要可以築堡設卡者一面先行履勘繪具圖說察看經費寬舒次第興工辦理

一每戶按數出丁所派之丁另冊造記由什長管帶不遵約束者罰

一團丁器械有力之家自行捐備無力者按照各丁所習技

藝由本團發給毋許遺失損壞

一每團公設探子二名有警告明團總團總通知團長團長通知什長什長挨戶遞傳以便準備至緊急之際如有造謠惑眾者捆送究辦

一土匪猝起不及探報被擾之家以鳴鑼為號本團各戶聞聲遞傳團總團佐什長速帶領團丁赴救另遣人遞傳鄰團如觀望遲延公同送究

一團丁出力應備飯食如係本局小事各戶自備如赴鄰團由該團供給其工價各由本團發給出力有功重獎

一出敵時什長用小旗一面帶領團丁團佐用中旗一面帶領什長團總用大旗一面帶領團佐聯班同行脫逃者事後

查明送究

旗色青紅
藍白不拘

一形迹可疑之人經過團境幫同盤拏送交團總團長查辦如盤獲要犯除經官給賞外本團再行議賞

一本團各戶毋得窩賭窩竊及容留歹人團總團佐什長協同實力稽查倘有徇隱發覺公同送究至立團後凡本團之人聯為一體休戚相關遇事毋得偏袒挾嫌報復倘有不遵團規或由團總議罰或送官究治庶使眾志成城

救火事宜

附

雍正年間奉

上諭各省府州縣設水桶水銃鈎鑷麻搭之屬分貯各門令文武官派定人兵救護並重治搶火惡棍之罪嚴地方官之處分乾

善化縣志 卷之十五
隆八年湖南巡撫蔣溥定救火拆屋之令火熄約償又募救火義役量給工食頒翻車水櫃大斧鑊鈎麻搭扛繩之式令官製造二十一年湖南巡撫陳宏謀布政使楊廷璋按察使夔舒會議定救火事宜十一條

一救火器具先是各府州縣及市鎮村集各具救火器具水銃水桶鈎鑊麻搭均奉例製造翻車大斧火鈎扛繩鐵錨水瓢均地方官捐造又或地方官不能逐項捐造者許勸諭士民捐辦均期適用不許草率營中救火器具令州縣官依式備造移給如有缺失責令經營之官賠補

一操演救火兵役令營汛州縣官各於營兵民壯內選二十四人派習其登高拉檐之步武翻水拖銃之疾徐上房拆屋

以斷火路刨柱倒牆以壓火勢皆示以準則令極純熟其督率之員壯役責成知縣縣丞兵丁責成守備千總

一分別賞罰凡兵役救火皆有號衣用白布製成馬褂紅布鑲邊中一圓圈書某縣民壯或某營兵丁聞火警即著赴火場分東西南北四面撲救每面以兵二十役十爲率撲救有力及不用力者皆官記姓名分別賞罰其製衣及賞銀於士民公捐生息銀內動支如無此銀者或贖贖或閒款內開銷一立挑夫頭令每縣各立挑水夫頭五名月給工食銀三錢每名管挑夫十名夫頭皆給一小旗分五色夜則加號記燈籠旗動則十人挑水齊上見水一擔給籌一枝事後每籌酌給錢文

善化縣志 卷之十五
一謹守監庫凡有火警大小官役無不趨救而有監獄庫務之責者必謹守監庫以專責成卽無監獄亦不可空署而行必須選役看守大堂頭門然後趨赴至典史有地方之責如無縣丞之處又值印官公出不得不親往救護準著親信家丁遴選妥役協同看守監庫

一預備水桶凡人煙湊集之處令多設大水桶將水注滿以備臨時取用其桶則士民公置官爲督率編號遇有滲漏缺水立押補注

一拆屋之法凡拆屋必相視風色火勢用力迅速惟鐵錘扛繩爲拆屋第一利器扛繩須長數丈繫於屋梁並力齊曳卽翻倒若礙於牆垣則用鐵錘貫大麻索而繫於前簷二架之

柱或兼繫於梁向前齊曳無論平屋樓屋卽刻倒卸拆牆則用鋤斲砍柱則用大斧毀木則用鉤鑷皆拆屋之要具也

一兼用擠筒凡滅火之具莫善於水銃然爲器粗重非素諳之人用不如法轉屬虛設則有截竹製爲擠筒以噴水之一法而湖南之用擠筒者絕少令文武官製造擠筒雇覓用擠筒之人講究學習以補水銃之缺

一償賠拆屋凡屋經毀拆令地方官加倍振卹又令附近保全之十家量幫其被災之戶俱照例振卹

一嚴乘火搶奪之律凡有火警卽於各文武官派二三員帶兵役四路巡查分守要路相視乘機搶奪之徒立卽嚴拏按律治罪

一明設號報凡城鎮官員兵役散處卽夫頭散夫亦不常一處酌於極高極中之處派定兵役二名輪流值日高處瞭望見有火警卽行吹號或撞鐘鼓頃刻四達又辦馬夫四名馳報各官夫役兵丁登時聚集事不致誤邑中見於天心閣雇役晝夜瞭望見火撞鐘聞鐘聲之緩急卽知火勢之大小救火器具

水銃兩座一康熙五十七年成泰壩捐置一雍正十二年知縣曹階捐置乾隆四年知縣韓宗蕃捐設麻搭鉤鏟三十杆又製救火馬褂燈籠旗竿給民壯應用又城內外每鋪各設水桶沿街盛水以備不虞乾隆八年巡撫蔣溥檄議添置並選練兵役備用乾隆十三年知府呂肅高飭沿街增加水桶

乾隆二十二年知縣張維獲倡捐製備水銃麻搭火鉤鐵練大斧鐵鋸水桶水瓢等物尙餘銀五百三十八兩九錢四分

七釐發給典商生息但年久器具朽壞尙待捐貲添設增修

今存署器具水銃二座麻搭十六根火鉤十六根水桶二十擔釣桶四箇扁擔二十根大旗二面催水小旗十面雲梯二架燈籠二十四箇壯役號衣六十件水夫號衣三十件大索鐵鎚一付歷任移交縣役看守毋得損失又張維獲原捐本銀五百三十八兩九錢四分七釐折實平九本銀四百三十一兩二錢歷任發典生息咸豐四年軍需藩憲提去本銀二百三十一兩二錢僅存本銀二百兩每月發典一分五釐生息所得息銀給發民壯水夫等役工食永以爲例

按咸豐軍興以來城廂內外所存救火器具半皆蕩失間有存者率朽敗不能適用近惟沿街所增水桶均易以鋼環以木柵似尙經久水銃則同善堂乾元宮增置二座尙足濟急又近年城內外添造房屋甚夥各處增置水龍如城隍廟保安堂同善堂湘鄉曾沅甫捐備洋龍交長沙協巡防營經管器具精緻

法周製巧省城火
警均有重賴焉

善化縣志卷之十五終

善化縣志卷之十六

風土

周易風行地上其象為觀先王以省方觀民設教誠以習俗
移人如風之動物而示儉示禮在有轉移風俗之權此不徒
諉之方土之異宜也善邑地濱大河易富易貧附郭而居貧
富相耀所慮沃土不材而澆風遠古尤貴奢者返儉而澆者
還厚也風俗純則民物阜土物愛則厥心臧風俗與治化相
因也志風土

雍正二年奉

上諭朕惟撫養元元之道足用爲先臨御以來無刻不履念民依重農務本業已三令五申矣但我國家休養生息數十年來戶口日繁而土田祇有此數非率天下農民竭力耕耘兼收倍獲欲室家盈寧必不可得再舍旁田畔以及荒山不可耕種之處度量土宜種植樹木桑柘可以飼蠶棗栗可以資用卽榛楛雜木亦足以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊亦爲民利不小至孳養牲畜如北方之羊南方之彘牧養如法乳字以時於生計不無裨益總之小民至愚經營衣食非不迫切而於目前自然之利反多忽畧所賴親民之官委曲周詳多方訓導庶使踴躍爭先人力

無遺而地利始盡不惟民生可厚風俗亦可還淳爾督撫等官各體朕惓惓愛民之意實心奉行特諭

雍正五年奉

上諭朕觀四民之業士之外農爲最貴凡士工商賈皆賴食於農以故農爲天下之本務而工賈皆其末也今若欲於服玩器用之物爭尙華巧必將多用工匠以爲之市肆之中多一工匠之人卽田畝之中少一耕稼之人此逐末之所以見輕於古人也且愚民見工匠之利多於力田必羣趨而爲工則物之製造者必多物多則售賣不易必至壅滯而價賤是逐末之人多不但有害於農而並有害於工也小民舍輕利而趨重利故逐末易而務本難苟爲官者遽然繩之以法必非其情之所願而勢有

難行惟在平日畱心時刻爲之勸導使小民知本業之爲貴又復訓飭閭閻崇尚樸實工作之閒不爲華巧如此日積月累遂成風俗雖不必使爲工者盡歸於農然可免爲農者相率而趨於工矣至於士人所業在於讀書明理以爲世用故居四民之首然父兄之教子弟亦當觀其材質何如若果穎悟恂謹可望有成則當使之就學而爲士若愚濁中下之資讀書難通卽當早令改業歸農使之盡力於南畝以爲仰事俯畜之資誠恐讀書不成而又麤識數字曠廢閒游必至非分妄爲越禮犯法是浮慕讀書之名而不得其道其傷農害本爲尤甚亦不可不知戒也朕深揆人情物理之原知奢儉一端關民生風俗者至大故欲中外臣民黜奢賤末專力於本人人自厚其生自正其德

則天下共享昇平之樂矣昔人云由儉入奢易由奢入儉難不知奢者取用少而費力多儉者取用多而費力少則由奢入儉乃人人行之甚便者不可謂難也朕自身體力行爲天下先諸王內外大臣文武官弁與鄉紳富戶當深體朕意欽遵朕諭期共勉之勿視爲具文特諭

雍正七年奉

上諭自古帝王致治誠民莫不以重農爲首務書陳旡逸先知稼穡之艱難詩載豳風備悉田家之力作論語云百姓足君孰與不足孟子云民事不可緩也蓋國以民爲本民以食爲天農事者帝王所以承天養人久安長治之本也我

聖祖仁皇帝臨御六十餘年深仁厚澤休養生息戶口日增生齒日

盛而地土所產如舊民間食指愈多所入不足供出是以米少價昂此亦理勢之必然者也夫米穀爲養命之寶既賴之以生則當加意愛惜不可存輕棄之心且資之者衆尤當隨時撙節不可縱口腹之欲每人能省一勺在我不甚少而積少成多便可多養數人若數人如此則所積豈不更多所養豈不更衆乎養生家以食少爲要訣固所以怡神養和亦所以節用惜福也況脾主於信習慣便成自然每見食少之人其精神氣體未嘗不壯此顯而可見者至於各省地土不可種植五穀之處則當視之如寶勤加墾治樹藝菽粟安可舍本逐末棄膏腴之沃壤而變爲果木之場廢饗殮之恆產以倖圖贏餘之利乎至於菸葉一種於生人日用毫無裨益而種植必擇肥饒善地尤爲妨

農之甚者也惟在良有司懃懃懇懇諄切勸諭俾小民知稼穡爲身命所關非此不能生活而其他皆不足恃則羣情踴躍不待督課而皆盡力於南畝矣朕生平愛惜米穀每食之時雖顆粒不肯拋棄以朕玉食萬方豈慮天庾不給所以如此撙節愛惜者實出天性自然之敬慎並不由於勉強且以米穀爲上天所賜以生養萬民者朕爲天下生民主惟有敬謹寶重祈天心默佑雨暘時若歲獲有秋俾小民家有蓋藏人歌樂土朕爲億萬生民計不敢輕忽天貺爾等紳衿百姓獨不自爲一身一家計乎朝夕生養之資既受

上天之賜若果加意愛惜隨時撙節則天心頻頻賜賚長享盈甯之福若恣情縱欲暴殄天物則必上千天怒不蒙賜賚而水旱

災祲之事皆所不免其理豈有爽哉又聞江西廣西地方竟有以米穀飼養雞豚者試思穀食與肉食孰重孰輕而乃以

上天之所賜小民終歲勤動之所獲者爲豢物類之用豈不干天和而輕民命乎朕所以惓惓訓諭者惟期天下之人務本業以杜浮靡惜物力以圖久遠共體敬迓

天庥勤惜民隱之意則爾等家室必日至於豐饒子孫必永綿其福澤思之毋忽朕言著將此曉諭內外官民人等並通行遠鄉僻壤咸使聞知特諭

又奉

上諭游惰之民自昔治天下之所深惡若好爲賭博之人又不止於游惰而已荒棄本業廢盡家貲品行日卽於卑污心術日趨

於貪詐父習之則無以訓其子主習之則無以制其奴鬪毆由此而生爭訟由此而起盜賊由此而多匪類由此而聚其爲人心風俗之害誠不可悉數也大凡爲不善之事者雖干犯功令猶可得微利於一時而獨至賭博則今日之所得明日又未必能保若合一年數月計之勝者與負者同歸於盡此天下人所共知者無如邪僻之人一入其中卽迷而不悟且甘爲下賤而不辭大可悲矣數年來屢降諭旨嚴禁此風尙未止息者則以製造賭具之尙有其人而有司之禁約未曾盡力也百工技藝之事可以獲利營生者何事不可爲而乃違犯條教製此壞風俗惑人心之具其罪尙可言乎嘗思賭博之風所以盛行者父兄爲之子弟見而效之家主爲之奴僕見而效之甚至婦人女

子亦沈溺其中而不以為怪總因習此者多故從風而靡者眾也假若嚴行禁止使人不敢再犯則日積月累後生子弟無從而見即無從而學此風自然止息無俟條教號令之煩矣著通行曉諭俾城邑鄉村遐陬僻壤咸使聞知

右恭錄

憲廟上諭四道於貴農寶穀崇節儉警游惰之道物理人情諄切詳盡無非欲率土蒼生永享樂利所願讀此訓者毋徒視為具文於以父戒其子兄勉其弟則正俗於崇本抑末阜財於開源節流何慮風俗之不還純返樸共樂時雍也乎

風俗

前漢書地理志楚俗火耕水耨民食魚稻以漁獵樵伐為業

果蓏贏蛤食物常足故啻窳也苟且偷生而無積聚不憂凍餒亦無千金之家信鬼重淫祀

湘中記人多敦樸士少宦情

唐劉禹錫云無童山濁水民稟是氣往往清慧而文

宋史地理志有材木茗荈之饒金鐵羽毛之利其土宜稻賦入稍多深耕概種率致富饒

元志淡勢利尚節概而恥為不義學者勤於禮耕者勤於力故雖無甚富亦無甚貧

明一統志其人樸而實其俗決烈而勁直人多高年士無奔競漠然於勢利有張司空之遺風焉

通志土野沃衍其民襁褓而事錢鏹以殖衣食無所仰於四

方游民就食其閒故產不盡土著

〔明唐源水利議〕善化之民性拙而習懶其務本者不過從事一熟之田至於麥豆竹木皆可生利而彼不事其逐末者不過肩一瓜一蔬及持網罟覓蠅頭利於煙水閒

〔舊志小序〕漢去古未遠而流俗失世敗壞賈誼有憂之況今日乎語曰既雕既琢還返其樸轉移化導權在官司倡在士紳彼謂江河不返者妄也

〔通志〕長沙地濱湘江嶽麓諸峯近爲屏障氣蒸而潮應五六月溼氣上騰楹壁閒拭之欲流而長江風疾寒暄亦旦夕不常

〔節唐張謂風土碑銘〕天文長沙一星在軫四星之側上爲日

辰下爲郡縣遁甲所謂沙土之地雲陽之墟可以逃難可以隱居者焉其山麓山其水湘水其畜宜鳥獸其穀宜稷稻厥草惟繇杜若荃蘅畱夷揭車出焉厥木惟喬椅桐桂檉貞松文梓生焉篠簜嬋娟於原野砮矟照耀於巖谷昔熊繹始此番君因之定王國焉至於致禮舊君請死歸葬桓氏之子可謂忠也殞身強寇有死無辱尹氏之女可謂貞也式鄧粲之宅可以厚儒風表古初漢孝子之閭足以敦素行齊魯之俗其何遠哉詞曰舜去黃屋於焉遠遊禹逢馮夷於焉滯畱五嶺南指瀟湘北流鄰聯滄浪邊近峒嶼湘山之下青青眾草有蕙有蘭在江之島煙雨冥冥波浪浩浩不采不擷棄捐遠道湘山之上青青眾木有柏有松在巖之麓風霜淒淒柯葉沃

沃不穰不棟終老空谷陸有玉璞水有珠胎隋侯云亡卞氏
不來湘雲蒼莽湘月徘徊貞石紀事層城之隈

荆楚歲時記花信風以五日一番風爲準小寒梅花山茶水
仙大寒瑞香木蘭山礬立春迎春櫻桃望春雨水菜花杏花
李花驚蟄桃花棠棣薔薇春分海棠梨花木蘭清明桐花麥
花柳花穀雨牡丹荼蘼棟花凡歷二十四番花信以至寒盡
則立夏矣古詩苦棟花風吹日長此農候也

節序

鄉村於元旦擇吉時少長衣冠以次持香出門向吉方三揖
謂之出天行卽祀行遺意陳果品焚香拜宗堂家神畢復向
外拜之爲敬天地眾神亦有先內祀而後外祀之意然後以

少拜長謂之拜年城中舊俗多以天明出行至戚友家登堂
交賀亦有呼門投帖者是早占風起方向北主豐南主歉觀
天色明暗明多暘暗多雨往往有驗

元宵張掛綵燈有走馬鰲山花爆煙火諸戲鄉間則墳墓送
燈田園藝柴豚柵雞棲皆置燈燭並有金鼓爆竹龍燈竹馬
獅子等戲徹夜不息爲鬧元宵春閒招飲客曰春客酒曰春
酒有介眉遺意

荆楚歲時記社日四鄰牲醪會社先祭而後饗其昨今俗祀
神聚飲不定社日惟是日歇工相戒動土謂尊敬土神
寒食清明上冢用本色紙剪纏竹枝謂之春條插冢上祭拜
杜詩長沙千人萬人出蓋唐時已然 農家播種多在清明

前後惟不過穀雨有禾不食穀雨鍋中少米煮之語打稻則須交秋有秋前三日打不得秋後三日打不徹之語稻穀六方以象六合稻稈七節以應氣候自穀雨數至大暑歷七節氣秋至則禾熟矣故季字取以禾爲干之義
上巳士紳多結伴出遊踏青修禊時茶芽初發揉綠炒青之村香滿里巷菜花正黃如散金徧畝田歌與布穀禽聲若相互答令人怡情至游民演採茶戲每於二三月鄉僻聚觀誇謔失業殊爲惡俗近日奉示嚴禁此風少息
荆楚歲時記三月三日取鼠麴汁蜜和粉謂之龍舌料以厭時氣 按鼠麴以鼠耳草爲麴料音飯餅也今俗多以所餘穀芽和鼠耳草作餅相餉其遺意也

昔人詩鄉村四月閒人少是月農耕甚忙真簑笠徧東臯矣每逢雷雨兼至俗名發魚子水魚從湘流逆上至衡州白面石下散子取魚苗者隨流張網承之鱗至則知子盡

五月五日刈葛藤蒲艾懸之門戶研雄黃朱砂入酒飲之小兒佩綵囊符蒜辟毒之物往來饋角黍鹽蛋等件城河多造船象龍形競渡中流觀者盈岸

六月六日晒衣物書畫謂不生蟲農民於五更時割雄雞祀田神謂祭鄙官是月早稻有名四十粘五十粘者可早穫選辛日或成日造新米飯先薦祖而後食之謂之試新

七月七夕城鄉多陳瓜果於庭向星拜之謂之祀星猶是乞巧遺意初十至十五陳肴果接公祖剪紙衣包袱焚送之亦

有誦經施食祀無主孤魂謂作孟蘭會

八月十五鄉城率以菱藕月餅相饋遺設酒賞月婦人祈子者鄉間多於園圃採瓜爲驗謂之摸秋城中則以金鼓花紅令小童衣冠捧南瓜至祈子家謂之送秋占候者以月之明晦卜來歲元宵陰陽諺云雲掩中秋月雨打上元燈

重九城鄉士紳多載酒登高效桓景遺事畜菊家層累花鉢各色諸備謂之菊屏

十月初旬祭掃先墓初十日並冬至多人宗祠合族祀祖於敬宗收族之道最爲近古自十月至臘月多舉行婚嫁及報賽神祇事

俗傳十月十六寒婆生二十六寒婆死以是日陰晴測一冬

寒煖頗驗按荆楚歲時記十六寒頗生二十六寒頗始訛傳當本此

臘月二十四日謂之小除設果品送竈神除夕迎之歲晚務閒擊鼓迎年掃屋塵用斛盛米插冬青梅花於中換春聯剪綵紙爲福壽吉祥等字懸貼門闥擇日合家聚飲謂之團年鄉城大同小異除夕響爆竹祀內外神畢以少拜長謂之辭年亦有圍爐宴飲至夜分者謂之守歲

士習 魏志善化士子多束修自愛宋志稱瀟湘有洙泗風元志稱漸被胡文定春秋之學而士習好文向慕譚世勣忠節之風而鄉俗尙義蓋自屈賈開文詞之權輿士之習於文者眾朱張講學名山而士之殫心理學者亦眾元明以來代

生賢哲舊志所稱文風謹守先正絕去浮靡庶幾近之尤在爭自濯磨者敦實行以祛浮僞焉

農事

魏志土宜稻穀終歲一熟園蔬外少他種殖雜糧棉

花菜子惟河洲沙土爲宜然不及稻穀百之一二稻有早中晚之殊岸田水歉宜早稻近河低田須過伏信分插宜晚稻均不及中稻十之一二鄉民佃耕多於自耕約費枯餅灰糞人工錢文一千可得穀一石佃耕計每石田須押規銀三十兩內外歲租十石內外貲本不足之家貸銀償穀謂之水租而流賣田畝相習以少作多故佃耕農民多形拮据此鄉間作苦情形不患不勤而患不富終歲勤動有不得養其父母者是在業戶加一番憐恤矣

工商

通志

人多散處宮室質樸瓦椽不飾衣多布少帛器

用陶瓦故藝事不尙奇巧惟習日用常須之業以鬻其技而資事畜古者織紉皆女紅今則男工各有專司以世其家所謂工用高曾之矩矱也鄉無積場墟廠貨物多取給於城市先土重遷除裝運米穀而外鮮商貿於遠邑者至各省商於邑中者北客西陝南客蘇杭以及江西閩廣貨客幾遍城村土著鄉則枯餅石灰城則錢米小貿囤積而已

婦女 省會工刺繡者多鄉村習紡績者眾富室鈿飾相高貧戶則荆釵布裙主中饋勤餉饁猶有勤儉遺風舊志稱秉性堅貞敦尙節義近日生女家多以某貞爲字有教以女兒經及朱子小學曹大家女誡諸書者惟習染相移服飾多從

時尚踵事增華反失方家舉止昔崔樞夫人治家整肅婦女不許時式粧房太尉家法不着半臂其器識深遠矣
嫁娶 古禮見於今者惟嫁娶焉訂聘書庚用釵釧縑帛憑媒互交謂之訂庚此納采問名意也將昏男家備物告期謂之報日女家飾送奩物謂之鋪房此請期納徵意也城中多親迎鄉間憑媒妁往返用雙鵝此親迎奠雁之意蓋古所謂雁卽鵝也入門交拜合卺以次拜舅姑謁宗堂謂之廟見次日新婦備棗栗巾履獻舅姑謂之拜茶此卽告廟告虔意也慶賀賓朋合宅長幼俱於中堂以贄見新婦謂之分大小亦有集聚新房令新夫婦捧茶奉客謂之鬧房亦明婦禮成婦順意也其不合於古者如綵輿入門時廚丁鬻割雞牲形勢

凶惡殊失家禮向喜神方迎神厭惡之意昏嫁多在十六七歲時殊失古人三十而娶二十而嫁所以堅其血氣之意昏期多在冬月殊失古人以冬至微陽處必掩身之意奩貨筵宴動多糜費近於昏禮論財亦非古人不以羅綺爲帷幔之意是在明禮者有以權度盡善焉

祭祀 禮有五經莫重於祭邑俗清明拜墓中元祀祖冬至祠祀父母生忌家中喜慶皆備酒筵祭告外祀竈爲重於小除夕祀之門神井神有祀有不祀中霽於年除祀之謂之補土社神稱土地穀神稱鄗官猶有春祈秋報之義城中祀城隍雞牲花爆絡繹廟前歲旱多迎觀音陶李真人祈禱惟城隍會燈彩鬥妍裝飾香亭綵輿等件糜費日盛

善化縣志 卷之十一
喪葬 自殯殮以至歸窆士族多遵家禮有不作佛事撰家禮從宜從簡行之者初喪成服發訃親友相唁治喪題主開弔發白酒食布帛之資多至數百金以爲不如是則儉其親輻車啟行城中設有兼善堂扛頭鄉閭製有陰隲扛俱稱妥便三虞之祭率以七日爲度謂之應七至作佛事建道場僧道羅列招亡誦經明器所費不貲延師覓吉有遲至數月或年餘未葬者結墓多用石工斧鑿經營有一墳須數月告竣者近日士紳之家多此舉動按古禮附身附棺必誠必敬卜地以葬必合必同喪與其易也甯戚夫子以爲禮之本與燕會 冠服見客士紳如是鄉俗脫略棄襪襖而着古衣冠有先民渾樸之風宴客酒穀數十年前惟大賓客始用海味

今則率以爲常博古杯盤穀核錯列昏喪耗費尤甚明倪文正云飲食而有江河之憂言流弊無旣也昔洛中率真會食惟五品東坡在黃州每食不過一爵一肉有尊客則三之物薄情厚先民矩範可法也

訟獄 舊志風氣質樸不喜爭訟故邑中無大訟獄然眦睚亦起爭端者半由局中之拙強半由局外之刁唆蓋相讓則無爭相執則不下此骨月分晰之訟鄉里買賣之爭雀鼠口角之衅所在多有惟一家有一明理人則訟少一鄉多一明理人訟亦少也至田土如霸莊掘塋強墮強砍墳山如強葬強掘冒贖婚姻如搶親悔盟拐逃命案如捏故牽誣圖詐賊案如誣害良善每經良有司摘奸發伏此風漸消近來大憲

諭設鄉團團總之能得人者秉公排解爭訟庶可少息
 權量 古之度量衡今之尺斗秤也多寡輕重長短閒替亂
 於市僧邑中之不易者制斛制秤公議尺三者近河為河岸
 較府斛每斗多二合又有八五斛九八斛東西鄉間用之價
 之多寡亦隨之城中確坊斗斛較準烙記無敢亂者平無大
 小法有輕重有糧法蘇法錢法之分糧重於蘇蘇重於錢城
 中用錢法鄉間多用蘇法糧法則糧科用焉稱以蘇法較準
 每斤十六兩有用十七八兩者謂之加稱此販買販賣之羨
 餘也尺則有裁尺土尺工尺之分裁長於工工長於土公議
 尺則準裁尺之九寸五分而用法亦各異焉
 土產

穀

說文穀之總名也
 百穀之類也
 稻 說文稌也 有粘糯之分 周禮稻人稼下地 爾雅翼稻性喜
 水 粳種來自占城 故俗謂粳為粘 農家有紅粘白粘等秋
 毛粘 摸粘冬粘 蘇州早思南早矮脚疏馬尾 疏鐵脚粘等秋
 黃等名糯有紅黃石子金銀柳條重陽等名 可以作酒其他
 難 以枚舉 類名為三 粟 說文陸種之 呼為早晚粘 梁 桿高六
 日 早稻中稻晚稻 有 大麥小麥蕎麥 呼為小晚粘 黍 結
 宜 濱河沙土俗 麥 有 鄉間種之 呼為小晚粘 黍 結
 呼 高粱造酒佳 麥 有 鄉間種之 呼為小晚粘 黍 結
 有 黑黃青赤綠等 色 有 豌豆蠶豆 芝 麻 有 黃白黑三
 豆 等名 有 夏種秋收 秋種冬收 各種 飯 芝 麻 有 黃白黑三
 蔬 爾雅凡草菜可 食 者 通名 為 蔬 收 秋 種 冬 收 各 種 飯 芝 麻 有 黃 白 黑 三
 黃 瓜 諸 名 瓜 首 出 也 先 地 黃 瓜 俗 呼 戀 東 瓜 色 青 故 名 收 南 瓜
 色 赤 故 名 種 出 南 甜 瓜 即 瓠 瓜 地 瓜 呼 戀 東 瓜 色 青 故 名 收 南 瓜
 番 今 都 呼 倭 瓜 甜 瓜 即 瓠 瓜 地 瓜 呼 戀 東 瓜 色 青 故 名 收 南 瓜
 老 則 絲 如 織 故 名 老 絲 瓜 殼 菜 瓜 相 閒 西 瓜 暑 紅 瓢 味 甘 解
 燒 存 性 酒 沖 服 治 痔 及 腸 風 菜 瓜 相 閒 西 瓜 暑 紅 瓢 味 甘 解
 食 胡 盧 瓜 柄 細 腰 挹 酒 器 茄 薰 對 口 瘡 血 絲 下 落 蒂 燒 煙 芋 有
 風 俗

菜	葉	赤	葉	即	菜	為	凋	合	味	早	有	薯	者	服	砂	言	蘆	中	早
種	圓	者	脆	若	渣	箭	有	微	甘	生	青	色	名	名	治	不	葷	毒	青
晦	土	名	嫩	蓬	則	筍	松	苦	藥	者	赤	赤	山	山	糖	盡	生	紫	紫
日	沃	蕘	蕘	蕘	為	青	之	百	百	名	二	者	藥	藥	兒	一	兒	莖	莖
下	肥	爾	蕘	蕘	枯	花	操	青	青	四	種	名	薯	薯	丸	芥	芥	可	可
種	則	雅	異	即	可以	黃	故	菜	菜	月	短	紅	野	野	萊	有	萊	試	試
與	莖	蕘	錄	蕘	蕘	子	烏	醃	醃	豆	小	薯	生	生	蕘	蕘	蕘	蕘	蕘
前	葉	赤	解	有	蕘	可	金	晒	晒	扁	豆	一	佳	紅	火	火	火	一	一
十	俱	冬	冬	毒	蕘	榨	者	名	名	豆	伏	地	大	二	胡	胡	胡	一	一
餘	美	莖	莖	莖	蕘	油	黃	霉	霉	白	者	瓜	多	伏	宮	宮	宮	一	一
日	種	莖	莖	莖	蕘	芥	芽	乾	乾	菜	良	多	像	淡	冬	冬	冬	一	一
種	之	莖	莖	莖	蕘	茶	白	菜	菜	一	者	種	種	紅	至	至	至	一	一
者	必	莖	莖	莖	蕘	未	然	解	解	本	可	可	補	三	採	採	採	一	一
同	過	莖	莖	莖	蕘	名	辛	煤	煤	重	辟	辟	肺	伏	陰	陰	陰	一	一
生	月	莖	莖	莖	蕘	清	有	毒	毒	數	大	大	種	則	乾	乾	乾	一	一
胡	胡	莖	莖	莖	蕘	莖	食	斤	斤	斤	刀	刀	穀	名	治	治	治	一	一
莖	莖	莖	莖	莖	蕘	莖	食	白	白	白	豆	豆	食	雪	日	日	日	一	一
藥	藥	藥	藥	藥	蕘	莖	食	菜	菜	菜	豆	豆	食	雪	日	日	日	一	一
一	一	一	一	一	蕘	莖	食	菜	菜	菜	豆	豆	食	雪	日	日	日	一	一
種	種	種	種	種	蕘	莖	食	菜	菜	菜	豆	豆	食	雪	日	日	日	一	一
為	為	為	為	為	蕘	莖	食	菜	菜	菜	豆	豆	食	雪	日	日	日	一	一
藜	藜	藜	藜	藜	蕘	莖	食	菜	菜	菜	豆	豆	食	雪	日	日	日	一	一
蒿	蒿	蒿	蒿	蒿	蕘	莖	食	菜	菜	菜	豆	豆	食	雪	日	日	日	一	一

苦	一	有	賜	為	為	以	食	宣	屋	長	辛	果	梅	桃	木	名	而
蕘	名	汁	菜	筍	筍	飯	為	通	漏	大	辣	蔬	本	仙	木	名	而
言	莖	莖	本	莖	莖	宜	宜	陽	水	小	小	木	草	仙	木	名	而
采	莖	莖	草	莖	莖	冬	冬	氣	治	數	數	日	日	日	日	日	日
芭	莖	莖	日	莖	莖	生	生	接	痔	種	種	日	日	日	日	日	日
詩	莖	莖	莖	莖	莖	片	片	蒜	蒜	味	味	日	日	日	日	日	日
薄	莖	莖	莖	莖	莖	寒	寒	辛	辛	味	味	日	日	日	日	日	日
香	莖	莖	莖	莖	莖	菌	菌	害	害	味	味	日	日	日	日	日	日
蕘	莖	莖	莖	莖	莖	一	一	目	目	味	味	日	日	日	日	日	日
似	莖	莖	莖	莖	莖	名	名	為	為	味	味	日	日	日	日	日	日
苦	莖	莖	莖	莖	莖	雁	雁	甚	甚	味	味	日	日	日	日	日	日
芹	莖	莖	莖	莖	莖	來	來	莖	莖	味	味	日	日	日	日	日	日
兩	莖	莖	莖	莖	莖	莖	莖	而	而	味	味	日	日	日	日	日	日
雅	莖	莖	莖	莖	莖	莖	莖	似	似	味	味	日	日	日	日	日	日
楚	莖	莖	莖	莖	莖	莖	莖	非	非	味	味	日	日	日	日	日	日
葵	莖	莖	莖	莖	莖	莖	莖	莖	莖	味	味	日	日	日	日	日	日
延	莖	莖	莖	莖	莖	莖	莖	莖	莖	味	味	日	日	日	日	日	日
鬚	莖	莖	莖	莖	莖	莖	莖	莖	莖	味	味	日	日	日	日	日	日
菜	莖	莖	莖	莖	莖	莖	莖	莖	莖	味	味	日	日	日	日	日	日
辛	莖	莖	莖	莖	莖	莖	莖	莖	莖	味	味	日	日	日	日	日	日
細	莖	莖	莖	莖	莖	莖	莖	莖	莖	味	味	日	日	日	日	日	日
高	莖	莖	莖	莖	莖	莖	莖	莖	莖	味	味	日	日	日	日	日	日
莖	莖	莖	莖	莖	莖	莖	莖	莖	莖	味	味	日	日	日	日	日	日

榴博物志張騫使楊梅一名柿枇杷一名白果

櫻桃即含棗小者棘枸杞根即地骨皮金櫻子紅熟性澀

櫛子本草有甜苦二色木瓜二種花映水則實繁葡萄一名紫櫻

桃君遷子名色紅味甘俗落花多洲土無花果味甘菱有紅菱

芡俗名雞頭菱雜俎菱花背蓮有紅白二莖菱有紅菱

山查味酸紅青果即橄欖微酸清熱核中有葶薺野生為慈姑

木字說松百木之柏六書木皆向陽柏獨向陰指西木桂紅花

松長故字從公柏之有貞德者有扁柏刺柏槐懷也懷懷來

銀桂四時着花為月桂楠即梓小類似豆角槐遠人衙署多

均植之入實櫛爾雅柔北方縱身南方風氣柔弱楓搖故從風

桑葉可飼蠶皮名棉則蕃茂花作布子取油渣宜屢次餉牛榆

詩東門之粉檀本草紫檀白檀杞屬柳楊有黃白柳羣芳譜楊

長楊枝硬而低垂樟廣韻豫章通作樟師古注杉材即櫛木

柳枝弱而低垂起樟廣韻章通作樟師古注杉材即櫛木

者用桐質堅梧桐材可為琴子可食二種木蓋相類者黃楊一歲長

春無數唯有東坡詩園中草木穀皮樹二種木蓋相類者黃楊一歲長

實柞詩輯乃脫著附甚固生冬青一名凍漿皮可為紙子穀汁

線可油子樹即烏柏子可棟爾雅翼蟲取蠟子青葉可飼櫻一名

櫟類柞類椰類椿性堅可蛟傷痛立止敷黃檉芽可食皂莢刺如

可去風洗油又栗性堅可蛟傷痛立止敷黃檉芽可食皂莢刺如

一種名肥皂油又栗性堅可蛟傷痛立止敷黃檉芽可食皂莢刺如

多種可取利研去老枝次年復生移種則難活鄉俗為昏用

食茶取利研去老枝次年復生移種則難活鄉俗為昏用

此義取利研去老枝次年復生移種則難活鄉俗為昏用

竹

善化縣志

卷之十六

土產

六

南竹 大者尺餘圍小者名毛南竹嫩斑竹節稀水竹似斑竹

叢竹 名四時生筍一石竹一名實而堅棉竹即筋竹質軟苦竹似

大節稀紫竹內外紫鳳尾竹細葉瘦莖冬筍竹類葉天竹一名

順竹 則筍細而長叢生夏則筍從中發冬筍竹類葉天竹一名

庭有高至丈餘者植有冬溫夏清之意冬筍竹類葉天竹一名

草藥附 芋蔴 皮可績絲作線作布冬月取根葛澄粉花可解酒蔴草

可織萱 平可食甘益母 治婦人車前 即茅藍 川一帶多種之

蓼 一名水紅花可糞蒿 焚之氣馨祭祀艾 祛風溼 莖蒲 細葉

石五加皮 一名文貫仲 根黃者名甘蔗 補中可土茯苓 有赤

種可草薺 月生即此 瓜 菰 白茅如笋名菰米旱蓮草 熬膏穀精

穀落田中復 過山龍 草即茜 澤蘭 一名孩 醒頭子 治目 狗尾草

生治血症 佛指甲 治手腳指爛痛 宜男 書帶 屬

魚腥草 即蕺 路邊荆 散風 仙茅 入血 木鼈 明目 香薷 有兩種解

良草 決明 治目疾 紫蘇 入藥 陳 茴香 子可研 香附 草即莎 烏

藥根 治青木香 敷蛇傷效 山花 椒 俗名臭胡椒煎 薄荷 暑解

荷葉 象震升發之品 研 夏枯草 治肝虛目淚 枯蕒 其 葉味鹹

蒼耳子 炒研入鴨蛋煎 瓜子 蓮 治喉風熱 茵陳 蒿 腫治風溼黃

良草 麻子 可壓油俗 豨薟草 養血 海金砂 蔓生 骨牌 伸筋 腳治

氣益 薜荔 俗名虎 畫香子 可染青 天花粉 實可通滯 其 黃精 蒸

能血 菱 蕤 竹即玉 首烏 養紅白二種 虎耳草 山可供清玩 石 蘆 荻

相類 異種 蘆大 觀音蓮 損血 藥 鳳尾草 而光澤 土人 參 俗呼

腿治雁來紅一名老鳳凰衣雁來紅吉祥草則祥靈芝

血疾治雁來紅一名老鳳凰衣雁來紅吉祥草則祥靈芝

蒸出朽芝菌以爲瑞芭蕉一名火鉞之其葉愈盛一種巴茅一名三

芸香一名見人羞觸如瓜子蓮枝水荷葉可食似藕藻水草萍名

紅二簾有青水燈草名虎須焉種消食解脹二天門冬性滋陰麥

門冬潤肺黃柏火苦參解毒牛膝紅白二種白者水楊柳出港中

白蘚皮治溼射干風治喉淡竹葉根名碎

花卉正字通花乃草也

牡丹花王有紅紫青白芍藥花相根梅有紅梅綠臘梅

種同時而非梅種因與梅花茶花有體種類甚多芙蓉桃花粉夾瓣各

包各垂絲荷瑞香二種紅白山梔者唯梔子花少六出月季一名

臙脂粉可點唇子剪春羅剪秋羅畏日鮮茉莉有本晚香可

愛薔薇紅有大紅色水醪醪步一名獨紫微搔之枝動俗名怕瘻樹

木筆一名早蓮棠棣李郁夜合一名歡繡毬草有本十姊妹刺

金銀花名藤左纏一春桂名即山礬香魚子蘭斷腸凌霄華若虞

美人一名滿美人蕉綠可愛鳳仙名小桃紅蝴蝶花干治瘋射

毒轉珠蓮本藤紫荊花條一名滿玫瑰徊一名紫玉簪鶴名仙洛陽

錦醉芙蓉色日三換石榴榴花石榴各葉一丈紅朱紅水紅

紫紅秋葵一名向日葵菊種有紅黃紫白毛菊各雞冠有紅黃

相種杜鵑一名山石榴有紅白紫各色種映山紅類山躑躅

大單瓣花盛白葛花毒治酒水紅枝即詩之游龍午時蓮心黃

浮水面午金錢落金錢干日紅月月紅木槿有紅白二

開夜合花毒消款冬花治嗽蒲公英紫者名黃花地丁薑

華芙蓉腫毒寶飯花似紫微而小解毒

花鮮紅可愛實飯花萃並風熱諸毒

羽毛謂之獸禽睫下交上獸睫上交下

布穀鳴聲似割麥插禾夜雁秋分前後鷺序一名春鋤飛有雉

即華蟲性介身伯勞感陰氣動也黃鸝倉子規脚斑赤鵲惡

文士贊用之上下飛鳴音燕即元鳥驚蟄後感氣而秋

感而孕鳴多吉俗名喜鵲後仍蟄山穴鐵燕喜逐鷹

小啄純黑即返百舌隨百鳥音俗名烏春畫眉性擊白鳩抽

哺一雄呼竹雞鳴聲泥滑滑鵲鳴則雪鸚鵡俗呼八蠟

而安雄呼竹雞鳴聲泥滑滑鵲鳴則雪鸚鵡俗呼八蠟

晴雌呼雨竹雞鳴聲泥滑滑鵲鳴則雪鸚鵡俗呼八蠟

嘴雌呼雨竹雞鳴聲泥滑滑鵲鳴則雪鸚鵡俗呼八蠟

雀一名家賓即麻長尾鵲尾有長紅毛鳧野鴨浮水如

雞色黑秧鶴黃足食魚狗綠者即翡翠黃魚鵪雖有之

鷓鴣生胎而吐鳥長嘴蒼羽水姑惡氏詩苦鳴聲不歇姑惡

如何縱使姑多鷹鴝鴝晨風即此鴉鴉俗呼貓鴉性潔而傲

惡聲聲怨已多鷹鴝鴝晨風即此鴉鴉俗呼貓鴉性潔而傲

蛇鳴聲怨已多鷹鴝鴝晨風即此鴉鴉俗呼貓鴉性潔而傲

鴿性喜合故名無泥滓階前每緩行鳴雞毛白骨黑者良

毛性喜合故名無泥滓階前每緩行鳴雞毛白骨黑者良

虎徑狹者象聲也不行曲豹威豐二年賊來時有獸似犬而

漸獐性無膽鹿皮適野豬較家猪嘴長腳高春毛紅豺俗云瘦

少獐性無膽鹿皮適野豬較家猪嘴長腳高春毛紅豺俗云瘦

如豺體狸小似狐善竊物大獾狗箭貓香在野貓面長花竹

鼠即黃鼠狼獺足短黑鼠根於陰也種不一四陽馬馬故孕

蠶喜溫養宜密室曲禮風戾以蜂大者王黑者相午衙朝王
 蠶飼之桑葉宜乾蠶味甘能治風蜂採花養後足得貴品花以
 英頂頭獻王凡花露均能螫人蠟冬青樹上食汁膠後延綠
 早為蜜為蠟黃蜂土蜂均能螫人蠟冬青樹上食汁膠後延綠
 如霜取滓蒸絡緯聲如紡車立秋即鳴俗呼紡紗婆古語絡
 瀝即白蠟所化紅娘蟬翼者蟋蟀相切作聲翼蜻蜓大水青紅
 也蟬種不一所化紅娘蟬翼者蟋蟀相切作聲翼蜻蜓大水青紅
 布子於水者蠖蛄撲火俗呼土狗子螟蛉兩雅蝮蠃細腰註
 蟲也蝮負柔蟲蟻為己螢一另夜蟲光熠耀宵行蠖兩雅蝮蠃
 子今人呼細腰蟲為蟻於味幸以一身狗學其光熠耀宵行蠖兩雅蝮蠃
 蟬喜撲燈所謂不安於味幸以一身狗學其光熠耀宵行蠖兩雅蝮蠃
 成蛾蠹魚爾雅蟬一名魚鼠婦化俗呼地蝨婆螳螂俗呼禾虎
 如指即蝶蛻螂不動久則蛻而死丸蟬從丸其中蟲之能解
 蛻性澁者蛻螂不動久則蛻而死丸蟬從丸其中蟲之能解
 體而仙者蛻螂不動久則蛻而死丸蟬從丸其中蟲之能解
 巴豆搗敷出鎗子蜘蛛者謂之壁錢取錢者着壁作白幕尺
 蟻相似蠶小而長行則屈腰頭尾蝸有角蟲一種負殼而行以
 蟻相似蠶小而長行則屈腰頭尾蝸有角蟲一種負殼而行以

聊足以自濡一種土蝸名顛當穴細土成蝟今人呼曲鱗廣
 崖陷蟻食之行則以股蟲之退為進者蝟雅路上死蝟名
 千人踏入蛭俗呼馬蝗便旋沙蟲蜈蚣廣雅蝟俗呼癩頭
 藥良利水蛭俗呼馬蝗便旋沙蟲蜈蚣廣雅蝟俗呼癩頭
 花蝦蟆出有尾即科田雞卵散水中初蠅虎形如蜘蛛壁虎
 點足斑蝥甲蟲傷蝟俗名雷聲則尾脫蛇有菜花松花笋殼
 有蛇斑蝥甲蟲傷蝟俗名雷聲則尾脫蛇有菜花松花笋殼
 聽以目蟠向王毒在涎被蠅有青蠅飯蚊名黍民竈雞竈馬
 咬者用青木香嚼敷效蠅有青蠅飯蚊名黍民竈雞竈馬
 俗云竈有馬竈鴨俗名偷蠅有青蠅飯蚊名黍民竈雞竈馬
 足食之兆竈鴨俗名偷蠅有青蠅飯蚊名黍民竈雞竈馬
 附論 謹按米穀者生人之大命國家之大計也而生齒日
 益常有不足之憂則所以開源而節流者不可不切講也其
 不足之患大概有三天時則豐凶之不齊地利則高下之不
 一人人事則修廢之不等古人以五風十雨為瑞今之高田則
 不待十日而憂旱矣龍見而雩在夏正之四月噫嘻之詩所

以駿發而卽預爲之祈也琴瑟擊鼓以御田祀以祈甘雨古人何日不切切以旱爲憂至若霽雨害稼南方尙有溝洫之流通山谷之田非瀕湖者自不至於淹沒惟雨多則生蟲雨盡則必旱不旱而蟲猶之旱也螟螣蝥賊古人以畀火爲祈豈迂圖哉近日官司旁午每不暇及而小民無知但知淫祀瀆神而八蜡之祭廢固久矣以余所觀祈報之事決無不應嘉慶十二年大旱大中丞景 步行龍王廟禱雨數日凡郡邑靈神皆命各憲祈請七月初八日鄉城大雨滂沱稻復大熟長邑臨湘都有九家祈雨而一家獨冀倖以爲雨則皆雨也俄而九家之田皆獲甘雨而冀倖者之田盡爲雹所傷豈神有貪於區區之豚蹄哉所以甚惡夫小人之無忌憚者也

祈雨之際不但官宜齋戒致敬凡士紳之家必當內外蠲潔懃誠禱求自無不應近日鄉間祈雨者大都農民草履赤足或醉飽喧笑戲褻甚矣祈何有焉蟲災惟敬土神近日樅樹生蟲延僧誦經奉月燈於土神卽可收止或以草爲龍沿途多人鳴鑼擊鼓蟲皆震死田祖有神秉畀炎火古人之言誠不欺也至於囤積之禁似難明申蓋囤積非但販商也鄉間閉糶亦可以囤積加之此辛酉年搶劫之所由起也前制軍汪 出示云閉糶者籍強糶者斬此八字最是安富救貧之要法不然則昂價以來遠商使米多而價賤囤積者自不能居奇矣丁卯年大中丞景 通諭各府州縣嚴禁燒鍋但許用高粱不許用穀計每日用穀約千餘石一年之內城中可

省穀四十萬餘石歷今十年穀價不至大昂者未必不賴有此也至若荒歉之歲處暑以後各鄉公議禁放牛馬布種秋糧如蘿菔蕎麥黃豆之類儘可以助米糧之不足各鄉俱禁造酒一切節省諒不至於啼饑富紳有餘稍爲平糶則鄰里之仰賴於富家者自共樂爲守禦又何患奸徒之竊發哉又按幽風所陳烹葵及菽可奉高年瓜壺茶檮以供農食故穀不熟曰饑菜不熟曰饑明穀與菜皆可以養生也饘於斯粥於斯疏食菜羹未嘗不飽非必盡用蒸飯也今西北猶存古風而南人則以米爲主菜爲饌每食必蒸飯而恥用羹古人酒肉以養老而今則黃口稚子無不酒肉之人非特物力漸虧抑恐福分易竭若能酌古準今穀菜相資羹飯並用則

耕三餘一又何難之有哉民間雞鴨最易耗穀婦女無知視爲常膳至有一家雞鴨之穀耗用數十石者其爲暴殄何可勝言古者命市納賈以知民之好惡近日不但穀貴鹽貴而酒肉皆貴則好惡可知矣孟子曰斧斤以時入山林材木不可勝用今鄉間柴炭其價數倍於昔日瀕河之地莫不燒煤固由民居稠密廚竈日增然亦不盡爾也宮室奢侈喬木美材盡充梁棟兼之酒坊市店彌布鄉里貧民無以爲食則偷樹買錢土民開挖營生則根株盡剷牛山之濯濯所由來也此皆民生切身之利害尤望良有司開示而切諭之或庶幾其有瘳焉爾又按薦臭草也近日種薦幾成美利或至廢田與園而爲之一畝之薦可獲利數倍夫果能以薦之所獲

買穀買錢何不可也乃僅以供一人一家之呼吸盡數畝之
獲而耗之亦何益之有哉四十年前男子吃薦者什之一
女子吃薦者百之一近日則男女內外老少長幼行止坐臥
視同珍膳而不可離近有閩廣水薦種類不一其耗財物正
不少矣可慨也夫

